



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illvstrivm Virorum Poemata

Cesarini, Virginio

Antverpiae, 1662

Ad Alexandrum VII. ...

urn:nbn:de:hbz:466:1-7990

Tentasti Arctōas plectro leniore per auras.
 Nunc quæ mira vides , propiore beator almæ
 Frontis ab aspectu , pronâ quæq; accipis aure,
 Quæq; feret voluenda dies facta inclyta summi
 Principis , & nomen latè immortale , decusq;
 Maiori celebrare sono , grandiq; memento
 Carmine , Meonijsq; modis attollere ad astra.
 Diuino ingenio , & presenti numine vates
 Quæ dabis , aternùm referens mirabitur orbis,
 Et seri assiduè discunt memorare nepotes.

A D
 ALEXANDRVM VII.
 PONT. OPT. MAX.

Eucharisticon.

ME quoque sublimi è solio, PATER, aspicias, vnde
 Terrarum spatia , & terras obeuntia latè
 Equora despectas , calumq; ac sidera tangis
 Arduus , & vigili mundum ratione gubernas.
 Nec tua maiestas , quòd me quoque prouida curat,
 Deteritur : Phæbi nec lux sese inficit alma,
 Senta quòd ex alto lustrat loca , & infima tendit
 Telluris , manesq; adeò penetrare sub imos.

Sed

APOLLONII FLORENTIS. 21

Sed simul emicuit caelo, tristem undique pellit
 Squalorem, turpemq; situm, nebulaeq; resoluit.
 Atque ubi descendit magis, interiusq; repostas
 Rimatur latebras, fetus & munera fundit
 Cara magis, pretiosa auri argentiq; metalla,
 Gignit & ardenti rutilos fulgore lapillos.
 Haud aliter tu, MAGNE PARENS, quocumq; salubres
 Aduertis radios, mentes animosq; serenas,
 Speq; bonâ, & donis largè presentibus auges.
 Vel mihi quæ longè in tenebris semota iacebat,
 Frontis ut aspectu primo recreata beatæ,
 Regaliq; erecta manu, & decorata benigno
 Munere, vita redit! veterumq; oblita malorum,
 Leta tuos inter dum se circumspicit, usque
 Fortunam secura nouam, noua gaudia versat!
 Atque utinam illapsu diuini luminis, auri
 Vena fluat, nostroq; erumpant pectore gemmæ!
 Pulcrior haud inter lauros ederaeq; virentes
 Cinxerit ambrosios tibi crines vlla corona.
 Nam neque præpetibus superantes aëra pennis
 Me vincant aquilæ, nec dulci carmine olores,
 Nomen ALEXANDRI, laudesq;, atque inclyta facta
 Tollere Pierio certantem ad sidera cantu.
 Te verò intereâ tacitus venerabor, & altè

Sed

A 5

Diuini

Diuini ingenij qua tu vestigia signas,
 Assiduè relegens, memori sub mente recondam:
 Discam aptis si fortè olim tibi soluere grates
 Vocibus, & tua conari, PATER, aurea dicta,
 Aurea, perpetuâ semper dignissima vitâ:
 Deq; tuis tibi dona feram te digna, supremi
 Vt facimus sacras humiles ad Numinis aras.

A D

F L A V I V M
 C A R D . C H I S I V M .

TV quoque supremo Patruï de sidere sidus
 (Cynthia fraternis clara velut radijs)
 Me tenui grates dicentem carmine, letis
 Aspectas, Princeps inclyte, luminibus:
 Cuius in exortu toto lux aurea celo
 Emicat, & campos lapsa per aetherios
 Diditur, & pulsâ caligine protinus imas
 Vndique iam terras conserit, & maria.
 Sed tua purpureo vestitur lumine Roma
 Largiùs, eximio & munere perfruitur:
 Teq; suum decus, & lenimen dulce laborum
 Suspicit, & duro in tempore praesidium,

Cum